

PASDEC turun padang bantu mangsa banjir

BANTUAN makanan dan keperluan asas kepada lebih 300 penduduk di pusat pemindahan Sekolah Kebangsaan Utai diserahkan oleh Timbalan Pengerusi PASDEC, Datuk Abdul Ghani Sulaiman kepada Ahli Dewan Undangan Negeri ADUN Inderapura, Shafik Fauzan Sharif semalam.

Bantuan itu untuk diagih-agihkan kepada penduduk yang dipindahkan dan penduduk yang masih terperangkap akibat banjir yang melanda di sekitar Kampung Cheroh Paloh dan Uhai.

Menurut Timbalan Pengerusi PASDEC, Datuk Abdul Ghani Sulaiman, bantuan itu adalah sebahagian daripada

sumbangan sosial yang dijalankan PASDEC.

"Kami memilih kawasan ini untuk diberikan bantuan disebabkan jumlah penduduk yang terjejas akibat banjir kali ini agak tinggi. Ini dikira dari bilangan keluarga yang kini ditempatkan di pusat pemindahan dan masih terperangkap di kediaman masing-masing. Kami amat berharap bantuan ini sedikit sebanyak meringankan beban yang mereka tanggung," katanya.

Ujarnya lagi, bantuan susulan kini sedang diatur sekiranya ramalan gelombang banjir kedua yang akan melanda negeri Pantai Timur pada hujung minggu depan be-

nar-besar berlaku.

"Ini agak merisaukan kami sendiri. Namun, PASDEC telah merangka beberapa langkah perlu sekiranya bantuan yang diserahkan hari ini tidak mencukupi. Kami jangka bekalan makanan dan keperluan asas yang dihantar mencukupi untuk tempoh sekurang-kurangnya seminggu," katanya.

Sementara itu, ADUN Inderapura, Shafik Fauzan Sharif berharap lebih banyak pihak korporat tampil mengemukakan bantuan.

"Setakat ini saya amat berpuas hati dengan kerjasama daripada agensi kerajaan yang banyak membantu," katanya.



Bantuan disampaikan untuk meringankan beban mangsa banjir.